



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Basilicae S. Mariae. Maioris De. Vrbe A. Liberio. Papa. I.
Vsque Ad. Pavlvn. V. Pont. Max Descriptio. Et. Delineatio**

Angelis, Paolo de

Roma, 1621

Cap. VIII. Reliquum partis internae sacelli describitur.

urn:nbn:de:hbz:466:1-13873

RELIQVVM
PARTIS INTERNÆ SACELLI
DESCRIBITVR.

Cap. VIII.



A VTROQUE monumenti latere focci, bases, parastada, spatia inter membra, tæniæ, atque alia huiusmodi ex varijs, & nobilibus lapidibus sunt constructa, velut de cæteris diximus. Ob quam rem ad primam coronam properabimus. Igitur supra Sixti V. monumentum prima coronis comparet vndique facellum circundans. hanc fenestra consequitur in arcus medio locata, à cuius dextera in quadrato coloribus expressi Iosias, & Iechonias Reges cõsistunt his verbis appositis. IOSIAS, ET IECHONIAS, & sanctus Matheus in geneologia commemorat. A fenestra læua eodem pacto cernuntur Salathiel & Zorobabel, quibus talia adhærent. SALATHIEL ET ZOROBABEL. In medio arcus fornice in figura ouatam speciem referente tectorio formata, quam plurimi Angeli habentur eodem modo depicci ob Christi

A natiuitatem exultantes. In duobus angulis supra primam Coronidem bini stant Angeli ex tectorio egregiè constructi. Ad hos duo trianguli inter arcus succedunt ex eadem deaurata materia compacti, in quorum medio à fenestræ dextera Achaz, & Ezechias cum his verbis: ACHAZ, ET EZECHIAS. A læua, Azor, Sadoch, Achim, quos talia sequuntur: A Z O R, S A D O C H, A C H I M. A monumenti dextera in Parastadarum interuallo Pontificum solium respicientium loculamentum adest, cum sancti Petri statua ex albo marmore perpolitè constructa. Ad hoc in quadrato ex tectorio coloribus expressa historia succedit de tribus Magis Herode præfente, dum stellam omiserant. Superius corona adest, supra quam eodem ordine, atque materia Ozias, & Ioathan apparent. A monumenti læua sacrarium occurrit. cancellos autem versus Sanctæ Lucie est ædicula, quam historia in quadrato ex tectorio Innocentium præstat coloribus designata. Super hanc coronam se attollit, quam quatuor figuræ in quadrato eodem modo condito exornant, talibus verbis annexis, ELIVD, ELEAZAR, MATHAN, ET IACOB. atque hæc satis fit de internis facelli partibus indicasse nunc ad reliqua pergemus.

